

Give me five!??

Eigentlech isch das Brichtli vom Komprässerwart für ds zwöituuusigueuf schnäu verzeit ; we da nid no drei anger Protagonische mit gmacht hätte !

Die hei für sage u schreibe fufzähundert schtei Schnägge iigsacket, für die Püetz wo si gleischtet hei.

Itze bi n'ig sicher, das es eso seregi Eseffe git wo nid wüsse was e Schnäggs sötti sii. Das het auso nüt ds tüe mit em ne Schnäggetanz, wiu das wäri de ne fuuli usreed. Nei, da geit's rein nume um e chlüder.

Üses Touchermuneli het ömu fei mängisch müesse ga ds Kässeli lääre.

Mi tüechts mängisch fasch, das die drei im Chäuer die einzige si wo öppis für üüs mache! Villech tüecht's mi o nume..

Aber mir müesse se o ging e chli fuere, mit securusse, Öeu u so!

Si hei i däm Jahr drei Fiuter vertromet u derzue zwee e haub liter Öeu glüdderet!

Gueti Verwärter wie die drei ja si, hei si zäme öppe 45 liter Wasser gschiffet. Äs het e keine vo dene wöue säge öb da dr Schweiss o no isch derbii gsi. Si hei nume gmeint das interessier doch kei Schwanz....!?

Drufache ha n'ig du dr Gring zuue ne iche gha...

Role, Roooole.... Los, mir si e chli schaluus!; Werum?; Eis mau, wo du ds löiffterli dobe offe hesch gha, hei mir se gseeh.....!!!; Weler gseeh?;

He däich die mit de Natel! Was mach die mit dene?? Doch nid öppe telefoniere, oder?!; He mou, die vo üsem Klub si ganz wichtegi

Persönlechteite wo immer müesse mit dr Wäut verbunge sii!;

Äbbe, u de miir drei!!!!;

Ig had dr Wink mit em Plöiu pögget u druf ache hei mir e sitzig ir Kompigruppe gmacht.

Hinech, bevor ig bi dahäre cho, ha n'ig no chönne ga fröidig chund tue.

Berchöme si doch für das Jahr so nes nöimödisches ässämäss syschtem, wo si mit üs chöi brichte oder mir si chöi ablose wes si sötte äs weehweehli ha.

Nach dere chund het du d'Wäue e fröidige Bbürzliboum gmacht (äs het grad zwänzg bar meh i d'schtandfläsche gäh) u gmeint: Weisch Role, mir wärde üs no lang für öich abhunde, dir lueget o immer eso guet.... U süsch schriibe mir de...!;

Im Name vom Klub ha n'ig mi bedankt u ha ne no e gutsch öu iche gäh!

Uf ds mau het's gräbblät u au drei hei mir ihrer Schrupe häre gha!!

„ Give me five!“

Het's tönt!

Ig cha n'ech säge, äs erfüüt mi immer wider mit fröid, seregi konversatione!

Ohni öich hie bim Richi wäri das aues gar nid mögloch. MERSI viu mau!

Mersi Öich, Mersi am Hene, Mersi am Housi, Mersi ar Komprässergruppe!!

Dr Kompiwart eufi

Role

